

I. Խաչիկյան

ԱՐՇԵՍՏԱԳՈՐԾՈՒԹՅԱՆ ՎԻՃԱԿՆ ՈՒ ԶԱՐԳԱՑՄԱՆ ԱՍՏԻՃԱՆԸ
ՀԱՅԱՍՏԱՆՈՒՄ, X—XIV ԴԱՐԵՐՈՒՄ*

Արարական դարավոր, ծանր ու մղձավանջալից տիրակալության դեմ հալ ժողովրդի մղած հերոսական մարտերի ու ապստամբությունների հետևանքով, IX-րդ դարի 2-րդ կեսին Հայաստանի մեծ մասը թոթափեց օտար բռնապետական լուծը՝ և վերնվաճեց իր անկախությունը. 386 իշխանաց իշխան Աշոտ Բագրատունին օծվեց Հայոց թագավոր:

Աշոտը և նրան հաջորդող Բագրատունի թագավորները ձգտում էին իրենց իշխանություն տակ միավորել հայկական բոլոր հոգերը ու ստեղծել միասնական և ուժեղ հայկական պետություն: Նրանց ջանքերը, սակայն, չպսակվեցին հաջողությունով. շուտով պատմական Հայաստանի հողի վրա ստեղծվեցին կիսանկախ մի քանի ալլ մանր իշխանություններ՝ Վասպուրականի և Սյունյաց, իսկ աջուհետև նաև Կարսի ու Զորագետի մանր թագավորությունները:

Չնայած միֆեոգալական բախումները և արարական ամիրայությունների դեմ մղած մարտերը IX—X-րդ դարերում մերթ ընդ մերթ վրդովում էին խաղաղությունը, բայց, այնուամենայնիվ, հալ ժողովուրդը շուրջ մեկ հարյուրամյակ զերծ մնաց օտար նվաճողների հրոսակախմբերի արշավանքներից:

Հարյուրամյա խաղաղության այդ ժամանակաշրջանում, արտադրողական աճերի հետագա զարգացման և երկրի տնտեսական կյանքի վերելքի հետևանքով, ֆեոդալիզմը Հայաստանում թեակրկեց իր զարգացման երկրորդ (զգարգացած ֆեոդալիզմի)՝ փուլը:

Սկզբնաղբյուրները հնարավորություն են ընձեռում հետևելու զարգացած ֆեոդալիզմին հատուկ տնտեսական ու սոցիալական կարգի մի շարք նոր երևույթների արմատավորման կամ աննախընթաց խորացման փաստերին: Այսպես, Հայաստանում ամենուրեք սկսում են հանդես գալ ու զարգանալ ֆեոդալական խոշոր տնտեսություններ. կալվածատերերն ու վանքերը, ի հաշիվ ղյուղական համայնքների հողարածիճների, ընդարձակում են իրենց տնտեսությունները, կոռալին աշխատանքի օգտագործումը այդ տնտեսություններում հասնում է աննախընթաց չափերի, շինականին հողին ամրացնելու պրոցեսը լալն ծավալ է ստանում: Կալվածատերը կապվում է շուկայի հետ՝ վաճառքի հանելով ղյուղատնտեսական մթերքները նորաստեղծ ու բազմամարդ քաղաքներում և այլն:

Քաղաքների հիմնադրման ու աճի տեմպերը Հայաստանում զարմանք են պատճառում ուսումնասիրողներին: Մի քանի տասնամյակների ընթացքում Հայաստանի տարբեր նահանգներում, հաճախ կողք-կողքի, ծագում ու բարգավաճում էին արհեստագործության ու առևտրի նոր և նոր կենտրոններ:

* Լ. Խաչիկյանի հոդվածով խմբագրությունը շարունակում է մտքերի փոխանցությունը Հայաստանի սոցիալ-տնտեսական վիճակի մասին X—XIV դարերում: Սկիզբը տե՛ս «Տեղեկագրի» 1953, № 12, 1950, №5 5, 6: խմբ.:

Դրանց առաջացմանն ու զարգացմանը մեծապես նպաստում էին նաև տարանցիկ առևտրի միջազգային նշանակություն ունեցող երկու այն բանուկ ուղեգծերը, որոնք, անցնելով Հայաստանի վրայով, կապում էին Արևելքը Արևմուտքի հետ:

Հայկական նորաստեղծ այդ քաղաքներում արհեստագործությունն ու առևտուրը մեծ զարգացման են հասնում, դրամական մեծ գումարներ են կենտրոնանում առևտրա-վաճառական շերտերի ձեռքին, կառուցվում են ճարտարապետական հուշարձան կոթողներ, ստեղծվում է քաղաքային կուլտուրա ու դրականություն:

Ճորտական լծի ծանրացումն ու շահագործման սաստկացումը գլուղում և քաղաքում, բնականաբար, հանդիպում է աշխատավոր մասսաների ակտիվ դիմադրությունը. Հայաստանի մի շարք շրջաններում բռնկվում են գլուղացիություն և քաղաքային բնակչության ապստամբություններ: Մշակվում է աշխատավորության պայքարի զաղափարախոսությունը՝ թոնդրական ուսմունքը:

Երկրի սոցիալ-տնտեսական ու կուլտուրական կյանքում առաջացած այս և հարակից ուշադրով երևույթները չէին կարող չզբաղել հայ ժողովրդի պատմության մասնագետների սենտուն ուշադրությունը: Եվ իրոք, մի շարք անվանի հայագետներ, զբաղվելով X—XIV դարերի պատմությամբ, դրականություն ու արվեստի հարցերով, մեր դարի 20-ական թվականներից սկսած, աշխատեցին պարզել նշված երևույթների բովանդակությունը:

Յավոք, 1920-ական թվականներին սովետական պատմագրությունը գեոևս չէր ձևերազատվել Պակրովսկու «շիրլախ» ազդեցությունից, որի բազմաթիվ սխալ գրույթներից մեկն էլ կախնում էր առևտրական կապիտալի պատմական դերի գերազանցատման մեջ: Կարծում ենք, որ մասամբ Պակրովսկու «շիրլախ» ազդեցությամբ պետք է բացատրել այն հանգամանքը, որ X—XIV դարերի հայ ժողովրդի պատմության հարցերով զբաղվող մասնագետների մի մասը՝ ճիշտ եզրակացությունների չհանգեց այդ ժամանակաշրջանի Հայաստանի սոցիալ-տնտեսական զարգացման աստիճանը որոշելիս և կուլտուրական երևույթները դնահատելիս:

Առաջիններից մեկը, որն անդրադարձավ այդ հարցերին՝ նշանավոր հայագետ պրոֆ. Ն. Ադոնցն էր: Վերջինից հոսանքները հին Հայաստանում խորագրով իր հոդվածում նա մեկնե՛ հայտարարեց, որ, իրր, Բագրատունյաց Հայաստանում քաղքալվում էր ֆեոդալական արտադրաձևը և ձևակերպվում բուրժուական իրավարդ. «Մինչ Անիում մարում էին ֆեոդալականության վերջին ճառագալթները,—եզրակացրեց նա,—Արևմուտքը նոր էր ողջունում նրա արշալույսը: Հասարակագիտական տեսակետից արևելքին էր պատկանում առաջնությունը, և նա էր կարապետը նոր բուրժուական իրավարդի»:

Ադոնցն իր այս հայտարարությունն արեց այնպիսի մի աշխատության մեջ, որն անմիջապես չէր առնչվում Հայաստանի X—XIV դարերի պատմության, և, մանավանդ, այդ շրջանի սոցիալ-տնտեսական հարաբերությունների հարցերին: Ուստի նրա հայտարարությունը լուրջ հետևանք չունեցավ:

Այլ նշանակություն ունեցավ հանգուցյալ ակագեմիկոս Ն. Մանանդյանի 1930 թ. հրատարակված և 1954 թ. վերահրատարակված «О торговле и го-

¹ Ն. Ադոնց, Պատմական ուսումնասիրություններ, Պարիս, 1948, էջ 48:

родах Армении в связи с мировой торговлей...“ մեծարժեք մենագրությունը՝ Այստեղ հեղինակը, ի մի բերելով IX—X դարերում Հայաստանում ստեղծված քաղաքների միջազգային նշանակությունը բացահայտող փաստերը, հանգեց այն եզրակացության, որ «ԴՆՆարկիոյ ժամանակաշրջանում անտեսական կյանքը Հայաստանում վերականգնվում էր նոր սկզբունքներով։ Արհեստների և առևտրի զարգացումը, ազգային բուրժուազիայի՝ տնտեսարար կշռի բարձրացումը, քաղաքային կենտրոնների ծաղկումն ու աճը նպաստում էին, անտարակույս, տնտեսական ու սոցիալական նոր հարաբերությունների սահմանափորմանը և, հնարավոր է, որ նոր այդ ուժերը ժամանակի ընթացքում առաջ կբերեին ֆեոդալական կարգի կործանում, և թե միայն այդ զարգացումը չկանխվեր XI դարի կեսերի անցուդարձերով ու սելջուկների արշավանքով»¹։

Նույն այս միտքը, ավելի որոշակի արտահայտություններով, ակադ. Հ. Մանանդյանը կրկնեց 1940 թ. լույս ընծայած «Հայաստանի քաղաքները X—XI դարերում» ուսումնասիրության մեջ, գրելով հետևյալը. «Տնտեսական այն երևույթները, որ վերև մենք մատնանշեցինք... հատկանշական են ու բնորոշ քաջքայլող ֆեոդալիզմի համար, որի սկիզբը կարելի է ըստ իս Հայաստանում ենթադրել հենց այս (X—XI դդ.—Հ. Ս.) ժամանակաշրջանում»։ Եվ կամ «Արև վերոհիշյալ փաստական դիտողություններից... կարելի է ըստ իս հետևյալ, որ առևտրի, քաղաքների, արդյունաբերության և գրամական ու ապրանքային տնտեսության բուռն ու արագ աճմամբ Հայաստանում ևս ֆեոդալիզմը սկսել էր քայքայվել, և որ հասարակական կյանքն այնտեղ ևս կարող էր վերականգնվել առաջադեմ նոր հիմքերի վրա, ինչպես այդ հինգ դար հետո տեղի ունեցավ Արևմտյան Եվրոպայում»²։

Այսպիսով, իր աշխատություններից մեկում IX—X, իսկ մյուսում X—XI դարերը ակադ. Հ. Մանանդյանը համարեց այն ժամանակաշրջանը, երբ Հայաստանում քայքայվում էին ֆեոդալական արտադրական հարաբերությունները և սահմանափակվում, Արևմտյան Եվրոպայից հինգ դար առաջ, բուրժուական հարաբերությունները։

Անդ հետաքրքրող հարցերին թեթևակիորեն անդրադարձավ նաև ակադ. Ն. Մառը Անիի պեղումների արդյունքների մասին գրած իր հոդվածներում և նրանց ամփոփումը հանդիսացող «Անի» մեծարժեք աշխատության մեջ (տպ. 1934 թ.)։

Տարբերվելով նախորդ հեղինակներից, որոնք ֆեոդալիզմի քայքայման ու կապիտալիստական հարաբերությունների սահմանափորման մասին խոսում էին նկատի ունենալով միայն սելջուկյան արշավանքներին նախորդող ժամանակաշրջանը՝ ակադ. Ն. Մառը իրավամբ կարծում էր, որ այդ արշավանքները չկանխեցին երկար ժամանակով արտադրողական ուժերի զարգացումը Հայաս-

¹ Ուշագրավ է, որ աշխատության 2-րդ հրատարակության մեջ ակադ. Հ. Մանանդյանը փոխել է «ազգային բուրժուազիայի» («национальной буржуазии») արտահայտությունը՝ «առևտրա-վաճառական տարրի» («торгово-ростовщический элемент») արտահայտությամբ։

² Մ. А. Манандян, О торговле и городах Армении в связи с мировой торговлей древних времен, Ереван, 1930, стр. 149 (первое издание), стр. 212 (второе издание).

³ Հ. Մանանդյան, Հայաստանի քաղաքները 10—11-րդ դարերում, Երևան, 1940, էջ 46—47։

տանում. քաղաքների ծագման ու ընդարձակման, արհեստագործության և առևտրի զարգացման տեսակետից Հայաստանի տնտեսության համար ավելի մեծ նշանակություն ունեցան հաջորդ՝ XII—XIII դարերը:

Ուսելով Անիի նշանավոր մեծատուն Տիգրան Հոնենցի մասին, նրան համարելով «Իր էպոխայի համար տիպական կապիտալիստ», նշելով այն փաստը, որ Տիգրանը զբաղվում էր փոխառական գործարքներով՝ գրավի դիմաց և նրա մոտ գրավի տակ էին գտնվում բազմաթիվ հողեր և կալվածքներ», Ն. Մաուրի վերջո կորակացրեց, որ «այս բոլորը ստիպում է հանգել այն մտքին, որ Անին հենց այն հնոցն էր, որի մեջ հայկական ֆեոդալիզմը վերափոխվեց... հայկական բուրժուական աշխարհի»:

Հաջորդ հեղինակը, որը շատ ավելի հանգամանորեն անդրադարձավ մեզ հետաքրքրող ժամանակաշրջանի հասարակական ու սոցիալ-տնտեսական հարաբերությունների հարցերին, հիմնավորելու համար «հայկական վերածնություն» իր տեսությունը՝ ականավոր գիտնական Մ. Արեղյանն էր: Իր «Վերածնությունը հայոց հին դրականության մեջ» հոդվածում (տպ. 1943 թ.) և մասնավորապես «Հայոց հին դրականության պատմության» երկրորդ գրքի առաջին գլխում (տպ. 1946 թ.) Մ. Արեղյանը այսպես է բնորոշում Հայաստանի տնտեսական զարգացման աստիճանը X—XI դարերում. «Երկարատև խաղաղ շինարարության դարաշրջանում... արագ բարձրանում է ժողովրդական տնտեսությունը, երկրի բնակչությունն աճում է, շինվում են բազմաթիվ գյուղեր, քաղաքագյուղեր ու գյուղաքաղաքներ, որոնք հետզհետե դառնում են ավելի ու ավելի մարդաշատ, առաջանում են խոշոր քաղաքներ: ...Ոչ միայն Անիի, այլև Կարսի, Արծնի և ուրիշ քաղաքների վրայով էին անցնում տարանցիկ առևտրական մեծ ճանապարհի ճյուղերը. ուստի և նրանք ևս դարձել են վաճառաչան կենտրոններ և ներքին, և արտաքին առևտրի, և ապրանքների փոխանակության համար: ...Բնականաբար առաջ էր գալիս դրամական տնտեսությունը. դրամը մի նոր աստված էր դարձել, մարդիկ ամեն տեսակ շահի և տեղից էին ընկնում...: X դարից արդեն նյութական կարողությունը—ոսկին, երկրի հարստությունները, կալվածներ և ուրիշ անշարժ կալքեր, կենտրոնանում էին առանձին վաճառական անհատների ձեռին. առաջ էին գալիս կապիտալիստներ, որոնք կազմում էին մի նոր դասակարգ»:

«Այսպիսով, ֆեոդալական շրջանի երկու իշխող դասերի՝ ազնվականության և եկեղեցականության կողքին տնտեսապես, ապա և մտավորապես բարձրանում և դիրք էր ձևավորում նոր դասակարգը—հարուստ քաղաքացիությունը, որ նույնիսկ մրցում էր ֆեոդալների հետ և այլն»:

Մ. Արեղյանի տեսակետը «հայկական վերածնություն» և նրա սոցիալ-տնտեսական նախադրյալների մասին ձգողական մեծ ուժ ունեւ և կարճ ժամանակում լայն տարածում գտավ: Մասնակի լրացումներով կամ, ավելի հաճախ, առանց որևէ վերապահման՝ այդ տեսակետն ընդունվեց հայ միջնադարյան կուլտուրայի պատմության այլևայլ բնագավառներն ուսումնասիրող մի շարք մասնագետների կողմից, այն տեղ գտավ նույնիսկ միջնակարգ դպրոցների համար կազմված դրականության պատմության դասագրքում³:

¹ H. H. Мартр, Ани, 1934, стр. 35.

² Մ. Արեղյան, Հայոց հին դրականության պատմություն, գիրք երկրորդ, Երևան, 1946, էջ 4—6:

³ «Հայկական վերածնություն» այս տեսությունն ընկալողներից իրենց ջանասիրտությամբ աչքի են ընկնում հատկապես Վ. Չալոյանը, տե՛ս նրա «Роль восточных наро-

Սովետական պատմագրությունը, բնականաբար, լռելյայն չէր կարող անցնել Հայաստանի, ինչպես նաև մեր հարևան Վրաստանի մի խումբ գիտնականների կողմից առաջ քաշվող «Արևելյան (կամ հայկական) վերածնություն» նոր ու հետաքրքրական պրոբլեմի կողքով: Եվ «Սովետական մեծ հանրագիտարանի» 2-րդ հրատարակության խմբագրությունը անհրաժեշտ դտավ «Վերածնություն» («Возрождение») բառի տակ անդրադառնալ այդ պրոբլեմին, նշելով, որ այն «առաջիմ բավարար չափով չի լուսաբանված: Ամեն դեպքում նրա դրական լուծման համար անհրաժեշտ է հաստատել ոչ միայն կուլտուրայի ծաղկման, անտիկ կուլտուրայի նկատմամբ հետաքրքրության առաջացման փաստը և այլն, այլ, ամենից առաջ, այդ շրջանում Արևելյան երկրներում կապիտալիզմի սաղմնավորման հատկանիշների առկայության փաստը»¹:

Ֆեոդալիզմի քայքայման ու կապիտալիստական հարաբերությունների ստղծման առաջացման մասին, ինչպես տեսանք վերոհիշյալ հայագետների մտքերի ու տեսակետների հակիրճ շարադրանքից, հայտարարություններ շատ են եղել, սակայն նրանցից և ոչ մեկը չի փորձել հատուկ ուսումնասիրությամբ անդրադառնալ այդ հարցերին սկզբնաղբյուրների ընձեռած տվյալների ըստ կարելիության ամբողջական և անկողմնակալ օգտագործումով:

Այդ աշխատանքը մասամբ կատարել է ակադեմիկոս հայագետ Աշ. Հովհաննիսյանը, «Դրվագներ հայ ազատագրական մտքի պատմության» մեծածառ աշխատության առաջին հատորում (Երևան, 1957): Այստեղ, այլևայլ առիթներով անդրադառնալով Հայաստանի սոցիալ-տնտեսական հարաբերությունների հարցերին, նա իր խոսքն է ասել մեզ հետաքրքրող ժամանակաշրջանի մասին, թնորոշելով այն որպես զարգացած ֆեոդալիզմի ժամանակաշրջան: Հատուկ հետաքրքրություն են ներկայացնում աշխատության այն դրվագները, որոնք նվիրված են X—XVI դարերի զրկթե բոլոր նշանավոր քաղաքական ու կուլտուրական գործիչների գաղափարական դիմապատկերմանը: Առանց բանավեճի մտնելու «հայկական վերածնություն» ջատագովների հետ, Աշ. Հովհաննիսյանը, փաստական ուշադրավ նյութերի օգտագործումով և մարքսիստ պատմաբանի կուռ տրամաբանությամբ բացահայտել է նրանց տեսակետների սնանկությունը: Պարենոր ու դնահատելի աշխատանք է կատարել նաև Բ. Առաքելյանը «Հայաստանի քաղաքները 10—13-րդ դարերում» տպագրության հանձնրված մենագրության մեջ:

Հայաստանի սոցիալ-տնտեսական զարգացման աստիճանը հիշյալ դարերում գիտականորեն որոշելու համար մեր կարծիքով անհրաժեշտ է, ձեռագիր ու տպագիր աղբյուրների մանրակրկիտ հետախուզությամբ, երևան բերել ու արժեքավորել բոլոր այն նյութերը, որոնք, այս կամ այն չափով, կարող են նպաստել մեր պատմագրության մեջ իրենց լուծումը չստացած մի շարք խիստ կարևոր հարցերի պարզաբանման գործին:

дов в истории развития философской мысли» «Основные вехи, развития философской мысли в Армении (V—XVIII вв.)», «Հայկական վերածնության մասին» («Տեղեկագիր», 1955, № 12, էջ 85—114) և այլ հոդվածները, և Մ. Միրյանը—տե՛ս նրա «Փրիզոր Նարեկացի» (Երևան, 1955) ուսումնասիրությունը և «Հայ գրականության պատմության» 3 հրատարակությամբ (1949, 1951 և 1954) լույս տեսած գասագրքի առաջին հատորի համար գրած գլուխները:

¹ Տե՛ս «Большая Советская энциклопедия», второе издание, т. 8, стр. 534 (ընդգծումը մերն է.—Լ. Ռ.):

Տեղեկագիր 3—3

Սույն հոգովածով ի մի ենք բերում X—XIV դարերի արհեստագործության վիճակի ու զարգացման աստիճանի մասին մեր ձեռքի տակ կղած նյութերը, ձրագրերով առաջիկայում հոգվածներ գրել նաև հետևյալ հարցերի մասին՝ 1) Հալ մեծատունները և նրանց գործունեության բնագավառները, 2) Վարձկաններն ու ծառաները հալիական քաղաքներում ու գյուղերում, 3) Գյուղական համայնքը X—XIV դարերում և այլն:

* * *

Կ. Մարքսը «Կապիտալի» առաջին հատորում գրում է. «Խեղճ կապիտալիստական արտադրության առաջին սաղմերը սպորադիկ կերպով հանդիպում են արդեն XIV ու XV դարերում Միջերկրական ծովի առանձին քաղաքներում, բայց և այնպես կապիտալիստական դարազրույի սկսվում է միայն 16-րդ դարից: Այնտեղ, որտեղ սկսվում է նա, վաղուց արդեն ոչնչացել է ճորտատիրությունը, և արդեն զգալիորեն թռչնել է միջնադարի ամենավառ ծագիլը — ազատ քաղաքները»:

Արդ, որոնք էին արտադրական այն հարաբերությունները, որոնց հիման վրա Մարքսը գտնում էր, որ XIV—XV դարերում հենց Իտալիայում էր «կապիտալիստական արտադրություն ամենից վաղ զարգացել»:

Սովետական պատմագրությունը զգալի նվաճումներ ունի միջնադարյան Եվրոպայի քաղաքների արտադրական կյանքի ու սոցիալ-տնտեսական հարաբերությունների ուսումնասիրման բնագավառում: Մասնավորապես կարևոր են Վ. Ռատենտուրի աշխատությունները, նվիրված իտալական քաղաքներում կապիտալիստական արտադրական հարաբերությունների սոցիալոգիական հարցերին¹:

Փաստական հարուստ նյութերի հիման վրա Վ. Ռատենտուրը վերականգնել է իտալական ամենախոշոր քաղաքներից մեկի՝ Ֆլորենցիայի արդյունաբերական ու առևտրական պատկերը, ցույց տալով, որ XIV դարում քաղաքի տնտեսական կյանքում առաջնակարգ դեր էին կատարում արդյունաբերական կամպանիաները, իրենց կապիտալները զգալի չափով մահուկագործական ձեռնարկությունների մեջ էին ներգրել նաև առևտրական ու բանկային կամպանիաները:

Երբի մշակման մասին տրակտատը (XIV դար) և այլ նյութեր հնարավորություն են տվել հեղինակին ուշադրալ մանրամասնություններով պատկերելու մանուֆակտուրային տիպի կապիտալիստական ձեռնարկության կառուցվածքն ու բնույթը: Ըստ այդմ բրդի հումքը ֆլորենցիա էր ներմուծվում Անգլիայից, Ֆրանսիայից, Թունիսից, Իսպանիայից, Հունաստանից և Լիանտյան երկրներից, իսկ պատրաստի արտադրանքը արտահանվում նույն և միջաբ ալ կրկներ: Ներմուծվող հումքը տեղ հասնելով ստուգվում ու գնահատվում էր հատուկ մասնագետների-գնահատու հսկիչների կողմից. այլ մաս-

¹ Կ. Մարքս, Կապիտալ, II հատոր, Երևան, 1954, էջ 748:

² Նույն տեղում, էջ 749, ծան. 189:

³ Տե՛ս Բ. Ի. Բутенбург, Очерк из истории раннего капитализма в Италии. М.—Л., 1951, 4. Налогообложение и общественный кредит Флоренции XII—XV вв., Л., 1941. աշխատությունները:

Նաղևաններ անսակավորում էին հումքը ըստ որակի, ապա ուղարկում նախնական մշակման՝ ճարպից, քրտինքից և կեղտից մաքրելու համար։ Կաթսաներում եռացնելուց, Արնո դետում լվանալուց և արևի տակ չորացնելուց հետո՝ բուրդն ուղարկվում էր կենտրոնական արձևատեղաց, որտեղ աշխատում էին բացառապես վարձու բանվորներ (XIV դարում Ֆլորենցիայում կար 30,000 վարձու բանվոր)։ Քեյստեղ արդեն,—գրում է Վ. Ռուսենբուրգը,—չկան արվալ աբտադրանքի թողարկման համար անհրաժեշտ բոլոր գործողությունները կատարող վարպետներ, ենթավարպետներ կամ աշակերտներ։ Արտադրության բուրգ ու լաշնորեն զիֆերենցված պրոցեսը հանգեցնում է կամպանիայի կենտրոնական արհեստանոցի ներսում աշխատանքի նույնպիսի լայն բաժանման, ստեղծում է բանվորների մի ամբողջ բանակ, որոնցից յուրաքանչյուրը ձեռք է բերում շատ նեղ ընդգրավում, հաճախ ամբողջ պրոցեսի միայն մեկ առանձին գործողության փորձ։ Այդ բանվորը զաղարում է ունիվերսալ լինելուց։ Նա արագորեն ու հմուտ կերպով կատարում է տարեց-տարի կրկնվող մեկ գործողություն։ Ձեռնարկված ներկելու պրոցեսը, բուրգը, ինչպես և մահուդի տարրեր կոսաֆարրիկաները կամպանիայի արհեստանոցում անցնում են ավելի քան 20—25 առանձին գործողություններով¹։

Եւլ ալսպես, մշակվող բուրգը մի քանի անգամ դուրս էր գալիս կենտրոնական արհեստանոցից, տարվում Ֆլորենցիայում և շրջակա գյուղերում բնակվող չքավոր կանանց մոտ մանկելու, ապա ներկվելու համար։ Անուհետև կրկին բերվում էր կենտրոնական արհեստանոց և, ի վերջո, պատրաստի արտադրանքը մեծ հակերով արտահանվում էր հեռավոր երկրներ։

Անհրաժեշտ է նշել նաև, որ արդյունաբերական կամպանիաները իրենց էին ենթարկել Ֆլորենցիայի բոլոր տնայնագործներին։ Խուլ ու աղքատ համքարություններից շատերը ևս քարշ էին տալիս իրենց գոյությունը արդյունաբերողներին սպասարկելով և նրանց կողմից վարձվելով։ Այդ համքարություններում ընդգրկված արհեստավորների վիճակը քիչ բանով էր տարբերվում կենտրոնական արհեստանոցներում աշխատող բանվորների վիճակից։ Այսպիսով, համաշխարհային շուկաներում հռչակված Ֆլորենցիայի մահուդը XIV—XV դարերում մեծ չափով արտադրվում էր կապիտալիստական տիպի արդյունաբերական ձևերով։ Արտադրական այսպիսի հարաբերություններ, այս կամ այն չափով, գոյություն ունեին նաև իտալական մի շարք այլ քաղաքներում և, անսարակույս Վերականգնման արտադրության առաջին սաղմերն ասելով՝ Մարքսն ի նկատի ուներ հենց այս կարգի հարաբերությունները։

Արդ, եղև ևն արդյոք այդպիսի հարաբերություններ Հայաստանում X—XIV դարերում։

Աշխատենք պատասխանել այս հարցին մատենագրական, մեծ մասամբ ձևագիր ու անտիպ, փաստերի օգնությամբ։

Մեզ հետաքրքրող ժամանակաշրջանում, հատկապես XII—XIII դարերում, Հայաստանում արհեստագործության մի շարք ճյուղեր, որոնց արտադրանքը հանվում էր երկրից դուրս՝ աննախընթաց զարգացում էին ապրել։ Արտահանվող ապրանքների մեջ զգալի տեղ էին բռնում զանազան թանկարժեք

¹ В. И. Рутенбург, Очерк из истории раннего капитализма в Италии, стр. 134—135.

գործվածքները, գորգերը, մետաղյա իրերը, ներկերը և այլն: Հայտնի է, օրինակ, որ Երզնկայի ճարտար մանածագործները XIII—XIV դարերում հյուսում էին «աշխարհի լավագույն բեհեզները» (Մարկո-Պոլո)¹ և «խրանունով, կոչվող գեղեցիկ կերպաները» (Յակուտ² և Իրն-ի Բատուտա³): Ժամանակակիցների վկայությամբ Երզնկայում արտագրված պղնձի, ամանները և, մանավանդ, զարդարուն աշտանակները մեծ հռչակ էին վայելում (Իրն-ի Բատուտա⁴): Երզնկան, Հայաստանի մի շարք այլ քաղաքների հետ միասին, հայտնի էր նաև բարձրարվեստ իր ոսկերիչներով ու արծաթագործներով:

Արհեստագործության զարգացումը հիմնականում բնթանում էր ոչ թե գործիքների կատարելագործման ուղիով, այլ առաջին հերթին, աշխատանքի բաժանման հետագա խորացմամբ: Արհեստի որոշ բնագավառներ կատարելագործվելով բաժանվում էին ենթաճյուղերի, առաջ էին գալիս արհեստագործական նոր մասնագիտություններ: Գրիգոր Ս ազիստրոսը սեփականում գրած Բ. թղթում, իրեն հասուկ գիպուկ արտահայտություններով, խոսում է հյուսնություն, ոսկեգործություն, երկաթագործություն և պղնձագործություն մալր արհեստների՝ մի շարք ենթաճյուղերի բաժանված լինելու մասին: Ես գրում է. «...Ըստ օրեն հիւսանց, որք արհեստին են մակացութ, ոչ նախուստ լանտաս կամ ի մսլլու ճեպին հատանել փայսս, քանդի այլ ոք են պարապեալ աջնոցիկ, և այլ, որք հարթեն և սղոցեն, և ապա ծալրագոյնքն՝ ճախարակք և այլովք գործարանօք գեղապանձ զնոսա յարգարեն գահաւորակս և աթոսս և այլ ինչ գործարանս: Այսպէս և որք ոսկւոյն են պարապեալք և երկաթոյ և պղնձոյ»:

Նմանօրինակ տվյալ ունենք նաև թանկարժեք գործվածքների արտագործության մասին. ոսկեհուռ ասեղնագործ կերպասն կտորները արտագրվում էին արգեն տարբեր մասնագետների միահամուռ ջանքերով: XIV դարի վերջերին և XV դարի սկզբներին ապրած մատենագիր Մատթեոս Ջուղայեցին մի առիթով գրել է այսպիսի տողեր. «Զորօրինակ գործէ ոք կերպաս ի յապըրշմէ, և ապա լետոյ զարդարեն զնա ոսկի թելով»:

Ուշագրավ է նաև նույն հեղինակի հաղորդած տվյալը քեմիս և նաշի-թանկարժեք գործվածքների արտագրման բարդ պրոցեսի մասին, որի հետ նույնպես արժեք ծանոթանալ. «Զորօրինակ,— գրում է Ս. Ջուղայեցին,— թէ ոք քեմիսայ կամ նաշիճ գործել ուսանի. և յալմանէ զկտաւն և զթուրթն հնաճ բեն գործել, որք են այլ մանրուսմունք: Եւ թէ Ըր է գժուար, ասիցէ ոք սաին և նաշիճն: Զի զվարազ ոսկին ի վերայ մորթոյ կացեն և մանր թել կտրեն և աջնպես հնարեն ի գործելն, որ այն բարակ թելին ոսկին երեսն ի վեր լինի. և վասն այսորիկ գժուար է այս գործ քան զամենայն ինչ»:

¹ Ն. Խաչիկյան, *Ուղեգրություններ*, 1, 1932, էջ 48:

² Օսկուտի աշխարհագրություն հետ ծանոթացել ենք հանդուցյալ արարադետ Ն. Նախրանյանի կատարած թարգմանություն, որի տղագրություն, չգիտես ինչու, շարունակ ձգձգվում է:

³ Օտար ազբյութները հայերի մասին: Իրն-ի Բատուտա (1301—1378), քաղեց և թարգմանեց Ն. Անսոյան, Երևան, 1940, էջ 31:

⁴ Նույն տեղում:

⁵ Գրիգոր Մազիստրոսի թղթերը, Աղեքսանդրապոլ, 1910, էջ 9:

⁶ «Քննություն գործող առաքելոց», Պետ. Մատենադարան, ձև. № 1402, էջ 187ա:

⁷ Նույն տեղում, էջ 19ա:

Մեզ հետաքրքրող ժամանակաշրջանում, անտարակույս, եղել է արհեստագործական որոշ գործիքների կատարելագործում, ինչպես նաև տեխնիկական նորարարություններ:

Պրոֆ. Ի. Առաքելյանը, օրինակ, ուշադրություն է դարձրել Վարդան Անեցու (X դար) «Վասն կառուցն աստուածութեան» չափածո բարձրարվեստ գրվածքի մի հատվածի վրա, որի մեջ ակնարկ կա ինչ-որ լարով աշխատող քրուտագործական ճախարակի մասին (ազնամատարած լարն վիճակի, ոլով շարժ է զճախարակ բրտիս)¹: Ճիշտ է, բանաստեղծական այս արտահայտություն հիման վրա Կժվար է պատկերացնել ճախարակի կառուցվածքը, սակայն կոթի է չկասկածել, որ այն ավելի կատարելագործված զազում է եղել, քան ութերի օգնությամբ դարձող գուրգը:

Ուշադրավ ձևազրկական վկայություն ունենք այն մասին, որ կատարելագործվել է նաև ոստանների դազգահը: Գետնագործ կամ սալինիգործ կոչվող զազգահի կողքին, որի վրա ոստանանկը գործում էր միայն ձևաքերի օգնությամբ, պրակտիկայի մեջ է մտնում ու լայն տարածում գտնում արդեն ճորագործ կոչվող զազգահը, որի վրա աշխատում էին և՛ ձևաքերով, և՛ ոտքերով: Մեզ արդեն ծանոթ Մատթեոս Զուգայեցին, նկարագրելով ոստանների աշխատանքը, գրում է. «Յորժամ ոստան հենէ, նախ չափէ զմի թելն և ապա հենէ. և ի գործելն՝ ոտիւքն և ձեռքն վճարէ, և զինչ գործէ՝ ծրարէ ի վերայ սալնին»²:

Տեխնիկական որոշ առաջադիմություն, ըստ երևույթին, եղել է նաև մետաղամշակության մեջ: Հայ արհեստավորները կարողացել են ստեղծել ձուլածո բարդ, տարբեր մասերից կազմված, արձանիկներ: Ալքիմիական մի ձևազրում կարգում ենք ալսպիսի սոդեր. «Առ կարմիր պղինձ, հայէ զինքն և լից մարդով պատկեր, որ առիւծ է հեծէր. վերայ գլխուն՝ թագ, և ունի Դ. եղջիւր, և իւր ձախ ձեռն խօսող, և հալաւն ամէն՝ երկաթի»։ Արձանագործական այս բարդ կոմպլեքսը մի կադասպարով շատ դժվար կլինէր ձուլել: Այդ է նկատի ունեցել հեղինակը, խրատի շարունակության մեջ գրելով. «Թէ ամէնս մէկ տեղ չէ կարէս հանել, դու հան դառիւծն, զմարդն և զխօսողն... խարսէ, որ աղէկ պատկեր ելանէ, և ծածկն զմարդն լերկու անդամն, որ մտանէ առիւծին փորն, և զամ զարկ լինքն երկաթի կամ պղնձի»³:

Ալքիմիական մի այլ ձևազրում, որն ընդօրինակված է XVII դարում քայց գրված պետք է լինի դարեր առաջ, գտնում ենք պղնձի օքսիդ (ժանգառ) ստանալու մի խրատ, որի մեջ, ի միջի այլոց, ասված է. «Առ պղնձի քերուքն, զայն որ չարխէն վաթի» և այլն⁴:

Արանից կարելի է թերևս եզրակացնել, որ գոյություն է ունեցել անիվավոր հատուկ հարմարանք, մետաղների, տվյալ դեպքում պղինձ մշակելու համար: Մետաղամշակման պատմության մասնագետ չլինելով դժվարանում ենք ասել, թե ալգպիսի հարմարանք առաջին անգամ երբ և որտեղ է ստեղծվել: Այնուամենայնիվ, նրա առկայությունը Հայաստանում ինքնին վկայում է մետաղամշակման բնագավառում ևս համեմատաբար ավելի կատարելագործու-

¹ «Բազմավէպ», 1919, էջ 164–169:

² «Քննություն դործոց առարկոց», Պետ. մատենադարան, ԱՆ. № 140, էջ 64ա:

³ Պետ. մատենադարան, ԱՆ. № 2954, էջ 178ա:

⁴ Պետ. մատենադարան, ԱՆ. № 7322, էջ 37ա:

թվան հասած գործիքների կիրառման մասին: Անհրաժեշտ է կրկնել, սակայն, որ նոր մասնաճյուղերի էին բաժանվում և տեխնիկական ալս կամ ալն չափով առաջադիմում միայն ալն արհեստները, որոնց արտադրանքի զգալի մասն արտահանվում էր երկրից դուրս: Եւ՛ր ընդհանրապէս, արհեստագործութվան ամենամասնական ընագավառները, որոնց արտադրանքը տեղական շուկայից դուրս չէր գալիս, շարունակում էին իրենց գոյութիւնը պահպանական հնամենի ձևերով ու տեխնիկական միջոցներով:

Քերենք մի ընտրոշ օրինակ. մորթիներից վերաբերւ և գլխարկ պատրաստող արհեստագործը—ճոնր՝ կենդանուն մորթաղերծ անելուց սկսած մինչև հանդերձ կարելը՝ կատարում էր ինքը միայնակը: Այս մասին ևս պերճախոս տվյալ է հաղորդում բանիմաց Մատթեոս Ջուղայեցին. «Ճոնն հանէ դալլ կենդանեաց մորթ, և աղէ, և չորացուցանէ, և դարձեալ լուսնայ, և հանէ գմիան, և զնէ լազոց՝ դարէ ալերը, և խմորով, և հանեալ՝ դարձեալ չորացուցանէ, և ապա զործէ և կակդէ, և լետոլ ներդէ, և ի բազում մորթոլ մի հանդերձ կարէ»¹:

Այսպիսով, բերված փաստերը հնարագործություն ևս տալիս և զբաղացնելու, որ X—XIV դարերում Հայաստանում արհեստագործութիւնը՝ ընդհանուր առմամբ և, հատկապես իրենց արտադրանքով արտաքին շուկայի հետ կապված արհեստի ճյուղերը՝ զարգացում էին ապրում: Մասն արհեստի մասնատումով ստեղծվում էին արհեստագործական նոր մասնաճյուղեր, ուստի և նոր մասնագիտութիւններ: Ներքին շուկայի սահմանափակ պահանջները բավարարող արհեստները բանում էին հնամենի ու պրիմիտիվ տեխնիկական միջոցներով, ալն զեպում ևրը արհեստագործական մլուս ճյուղերում նկատվում ևն տեխնիկական որոշ նորարարութիւնների ու գործիքների կատարելագործման երևույթներ:

Այժմ աշխատենք սկզբնաղբլուրների ընձևում սուղ ու պատահական ակնարկների ի մի բերումով հնարագործին չափ պարզարանել թի թի սկզբունքներով էր կազմակերպված արհեստագործութիւնը Հայաստանում X—XIV դարերում, որքանով էր խորացել արհեստի բաժանումը զուգամտնուսութիւնից, կալին արդլոք Հայաստանի քաղաքներում արհեստագործական համաքաղաքութիւններ և ալն:

Անիի և Դվինի պեղումների ընթացքում հայտնաբերված երկրագործական գործիքները (արոտներ, խոփեր, զերանդիներ, կախելու կամներ, բահեր և ալն) վկայում ևն ալն մասին, որ հայկական միջնադարյան քաղաքների, ընտելութվան համար երկրագործութիւնը, որպես օժանդակ զբաղմունք, որոշակի զեր է կատարել²: Եւ՛ր ընդհանրապէս, զլուղերում ու ավաններում զլուղատնտեսութիւնից դատ զբաղվել ևն նաև արհեստագործութիւնը, ևղել ևն դարբիններ, հլուսներ, դերձակներ և ալլ արհեստի տեր մարդի, որոնք բավարարել ևն իրենց համագլուղացիների ոչ բարդ, ամենօրյա պահանջներ³: Ավելին, տվյալներ ունենք ալն մասին, որ զլուղական տնտեսութիւնները

¹ «Քննութիւն գործոց առաքելոց», Պետ. Մատենադարան, ձև. 1402, էջ 180բ—190ա:

² Տե՛ս Լ. Սրբելի, Անվո ավերակները, Վաղարշապատ, 1910, էջ 51, և, Ղաֆառաւան, Դվին քաղաքը և նրա պեղումները, Երևան, 1952, էջ 150:

³ Այս մասին ուղղորալ նյութեր կան հայերեն ձևագրերի հիշատակարաններում:

զերադանցապես փակ նատուրալ ընտլթ կրելով, աննշան չափերով էին կապված շուկայի հետ և բավարարում էին իրենց սուղ պահանջները՝ ինքնովին։

Այս մասին ուշադրավ տեղեկություն ենք դնում Գրիգոր Տաթևացու «Համառոտ հաւաքումն առական գրոցն Սողոմոնի» ձեռագիր աշխատության մի հատվածում, որը կրում է «Վասն զովության ժրագլուխ կնոջ» խորագիրը։

Այնլորդարանութուններով լի այդ հատվածից քաղվածաբար մեջ բերենք որոշակի հետաքրքրություն ներկայացնող մի-երկու տող.

«Այլ և ինքն (ժրագլուխ կինն) աշխատի և զործէ ձեռաւքն՝ մանէ կամ ոստայնէ... Ոչ միայն ի ցերեկի զործէ, այլ և ի գիշերի... զտեալ ասր և կտաւ՝ արար հանդերձս պիտանիս և վաճառեաց... Ձի և պատրաստէ հանդերձս իւր և առն իւրում և ամենայն բնտանեաց, և ոչ կարօտին լարտաքուստ զնկոյն։ Ծարունակության մեջ Տաթևացին հայտնում է նաև, որ ժողովրդական զործ կնոջ մանկն է և ներկելն»¹։

Այսպիսով, պարզ է դառնում, որ սովորական ու պարզ գյուղական հագուստ ձեռք բերելու համար «ժրագլուխ» կին ունեցող գյուղացին, հարկ չուներ գիմելու ջուլհակի կամ ոստայնանկի։

Անաարակույս, ապահով և ունեւոր գյուղական տանուտերը, չբավարարվելով տանը պատրաստված կոպիտ հագուստ-կապուստով, անձամբ կամ միջնորդ առևտրականի միջոցով կապվում էր քաղաքային շուկաների հետ, ձեռք բերելով թանկարժեք կտորներ ու զործվածքներ։ Այդպիսիներից էր անշուշտ միջնադարյան ժողովրդական առևտներից մեկի հերոսը, որը նույնիսկ պատարագի ժամանակ՝ մտքով դեղերում ու առևտուր էր անում խոշոր քաղաքների ճոխ շուկաներում. «Միտքս ի թաւրէժ էր և քո մաւրն գլխադիր և կաւշիկ կու դնէի» — ասում է նա իր երկրպագ զորուն, որը պատարագի ժամանակ, իբր, ականում էր հրեշտակներ²։

Պետք է ենթադրել, որ ֆեոդալական ու վանական խոշոր տնտեսությունները ևս իրենց անհրաժեշտ արհեստագործական արտադրանքի մի մասը ձեռք էին բերում ոչ թե քաղաքային շուկաներից, այլ պատրաստում զբոլակներին ու վանքերին կից զոյություն ունեցող արհեստանոցներում։

Որոշոր վանքերի արհեստանոցների մասին կարեւոր են Ստ. Օրբելյանի հաղորդած տվյալները։ Ոոսելով Տաթևի վանքի շինության առանձին էտապների մասին, պատմիչը գրում է, որ այնտեղ կառուցվել են «գաղտանոցս զետնափորս ի ներքո վանիցն՝ ծածուկ երկրաւ, բաղում տունս և դարանս ի պէտս եկեղեցւոյն... և սրբաւէն տրապէզս և զօրծատնեւս համբարանոցս և սրբարանս և զրատունս», կամ ջէինէ (թագուհին Սիւնեաց Շահանդուխա) և... զհամբարանոցս և զօրծատնուց և շուրջ պարսպէ զվանքն»³։

Այս վկայություններում խոսք չկա այն մասին, թե վանական զործատներում ովքեր էին աշխատում, սակայն մեծ հավանականությամբ կարելի է ենթադրել, որ այդ արհեստավորների գեթ մի մասը հոգևորական է եղել։ Այդպես էր, օրինակ, հարևան Վրաստանում⁴ և, ինչպես կարելի է հզորացնել

¹ Պետ. Մատենադարան, ձեռ. № 1264, էջ 367ա։

² Պետ. Մատենադարան, ձեռ. № 3179 էջ 127ա։

³ Ստեփանոս Օրբելյան, Պատմութիւն տանն Սիսական, Թիֆլիս, 1910, էջ 233։

⁴ Տե՛ս Շոթա Մխիթարի «X-XII դդ. վրացական վանքերում արհեստագործության և աշխատանքի կազմակերպման հարցի շուրջը» հոդվածը (վրացերեն), տպագրված Վրացական ՍՍԽ ԳԱ Պատմության ինստիտուտի «Միմոմիլիվի» ժողովածուի մեջ (1949, 1)։

Հակոբ Կլաչեցի կաթողիկոսի (1268—1286) «Մեկնութիւն նուրբ զրեանց» անտիպ աշխատության տվյալների հիման վրա՝ նաև Հայաստանում: Պլաչեցին իր աշխատության էջերից մեկում գրում է՝ «Յատուկ ամենայն վանաց ամենայն եղբարց արուեստ որոշել չէ պարտ. վասն զի ոմն վանուց այս ինչ պիտո է և ոմն՝ այս ինչ. և է արուեստաւոր մի վանիցն չգա ի պէտք վասն նիւթոցն անպատրաստութեան և դժուարագիւտ լինել(ու), ըստ այլում տեղոջ՝ նիւթն առատ և պիտանի եղբարցն և գիւրավաճառ: Շարունակության մեջ կաթողիկոսը պահանջում է կղերական-արհեստավորներից չգրադվել պերճանքի իրերի, ոսկեկար գործվածքների և այլ թանկարժեք ապրանքների արհեստագործությամբ. «Ի պակագործութիւն, ոսկեգործութիւն, — գրում է նա, — այսպիսիքս ցանկութեանց մարդիկ սպասաւորք են, զի ոմն թագ ցանգայ ունել և խնդրէ առնել յարուեստաւորէն, ոմն փողնոց, ոմն ծղանոց, այլ ոմն այլ ինչ. և նա (արուեստաւորն) լնու զցանկութիւնսն, այսպէս և գիւրակագործն... գոր չէ պարտ կրօնաւորացն ուսանել»։ Նա խրատում է բաւարարվել «ալծէիւք ռստայնանկութեամբ» և «լուկ և թանձր» (իմա պարզ ու անզարդ) կոշիկներ կարելով¹։

Շատ ավելի սակավ են մեր տեղեկութիւնները ֆեոդալական դպրակներին կից եղած գործատուների մասին։ Հիմք կա ենթադրելու, որ նրանցում, ճիշտ ախպես, ինչպես մոնղոլական իլխանության ժամանակաշրջանի «քարխանե»-գործատուներում², բանում էին ստրուկ արհեստավորներ, որոնց գոյութիւնը Հայաստանում թերեւս համաստիւմ է Գրիգոր Տաթևացու քարոզչներից մեկով։ Տաթևացին, գիմելով Հաւալին, ասում է «ի՛վ թշուառական, գծառալ մի որ ոչինչ գիտէ ի հարիւր դահեկան ծախեն, դու գլարդապետն և զարարողն երկնի և երկրի՝ վասն երեսուն արծաթի»³։ Պետք է ենթադրել ուրեմն, որ վաճառում էին նաև ախպիսի ծառաների, որոնք բան (իմա արհեստ) գիտեին։

¹ Պետ. Մատենադարան, ձեռ. № 598, էջ 175բ։

² Այդ «քարխանե»-ներում, որ պատկանում էին իլխաններին ու թագաժառանգներին, արտագրում էին զենք ու զինամթերք, հագուստ, ինչպես նաև աղակի ու հայելի։ Այդ մասին տե՛ս A. M. Белицкий, К вопросу о социальных отношениях в Иране в хулагуидскую эпоху («Советское востоковедение», V, стр. 123—124)։

Ա. Բելիցկին հենվելով պարսկալեզու աղբյուրների վրա կարծում է, որ առաջին «քարխանե»-ները ստեղծվել են Միջին Ասիայում XIII դարի 30-ական թվականներին (տե՛ս նույն տեղ)։ Ներսես Շնորհալու (մհ. 1173 թ.) հանելուկներից մեկում, կարծում ենք, կա ակնարկ այն մասին, որ այդպիսի գործատուներ արեւելքում եղել են մինչմոնղոլական շրջանում ևս։ Սարգի մասին գրած Շնորհալու հանելուկում ասված է.

«Ի սուլտանի մեծ քարխանան
կայր մին ութթայ խիստ աննման,
Առանց հորի և մաքոթան
Գործեր բարակ գործ անխափան»
(«Տաղարան», 1512 թ., էջ 52—53)։

«Սուլթանի քարխանա» ասելով հեղինակը նկատի է ունեցել, մեծ հավանականութեամբ, սելջուկյան սուլթանի գործատուներ, ուստի և այդպիսի գործատուներ գոյութիւն են ունեցել նաև XII դարում։

³ Դր. Տաթևացի. Գրքք քարոզութեան, որ կոչի ձմառն հատոր, Կոստանդնուպոլիս, 1740, էջ 581։

Պատմական սկզբնաղբյուրները, բարերախառնարար, փոքր ինչ առասու են մեզ հետաքրքրող հարցերի տեսակետից անհամեմատ ավելի մեծ նշանակություն ունեցող քաղաքային արհեստագործության այլևայլ կողմերը լուսաբանող նյութերով: Եվ դա միանգամայն բնական է, եթե նկատի առնենք քաղաքային արհեստագործության տեսակարար կշռի ծանրությունը:

Արհեստները միջնադարյան Հայաստանի քաղաքներում, անտարակույս, կազմակերպված են եղել համաքարական սկզբունքներով:

Համաքարությունների գոյությունը Հայաստանում X—XIV և հետագա դարերում այժմ արդեն հավաստվում է նշանակալից փաստերով: Երանք մասամբ օգտագործված են Յու. Ախվերդովի, Ա. Եղիազարովի, Վ. Աբրահամյանի և ուրիշների Հայաստանի արհեստագործության ու համաքարային կազմակերպության պատմությունը նվիրված ապագիր աշխատություններում¹: Որոշ նոր տվյալներ, հատկապես Երզնկայում 1280 թ. ստեղծված առևտրական ու արհեստավորական խավերին պատկանող ամուրի երիտասարդներից կազմված «եղբայրություն» կանոնադրությունը, որը շոշափման շատ եզրեր ունի հետադաշի համաքարական կանոնադրությունների հետ, հրատարակեցինք մենք 1951 թվականին²: Վերոհիշյալ աշխատություններում հավաքված, ինչպես նաև ուրիշների կողմից անտեսված այլ նյութերի օգտագործմամբ համաքարությունների գոյության հարցը բազմակողմանիորեն ուսումնասիրեց Բ. Առաքելյանը իր «Քաղաքները Հայաստանում IX—XIII դդ.» գիտերապետի աշխատության մեջ:

Համաքարությունների գոյությունը հավաստող կարևոր փաստերից հիշենք մի քանիսը:

Հովհաննես Երզնկացին իր անտիպ քարոզներից մեկում, նկարագրելով արքաների թագադրության առիթով քաղաքներում տեղի ունեցող հանդեսները, հայտնում է նաև, որ Տզանազան գործօնեայքն արուստիցն զիւրեանցն զարդարել փութան փողոցս՝ այլ խոսքով՝ տվյալ է հաղորդում այն մասին, որ քաղաքներում միևնույն մասնագիտության տեր արհեստավորները գրավում էին մի փողոց կամ շարք:

Անի քաղաքի արձանագրություններում կան տվյալներ, որոնցով հաստատվում է Երզնկացու հաղորդածը: Ըստ այդ արձանագրությունների լրագրեն ունեցել է «բաղդնոց», «կալշկարոց», «նալպանդնոց», «սարաճփոդոց», «փոլկարարոց» անունով փողոցներ կամ արհեստագործական շարքեր:

Քաղաքներում եղել են արհեստավորների միջև ծագած վեճերը հարթելու համար «ծերոց ատեան»-ներ³, դատական մի մարմին, որն ազգագրական նյութերից դատելով՝ սերտակերպով առնչվում է համաքարական կազմակերպություններին:

XIX դարի համաքարական կազմակերպություններում կար իգիթրաշի կոչ-

¹ Տե՛ս Ю. Ф. Ахвердов, Тифлиские амкары, Тифлис, 1883, С. А. Егиазаров, Исследование по истории учреждений в Закавказье, часть II, Городские цехи, Казань, 1891. Վ. Աբրահամյան:

² Լ. Խաչիկյան, Երզնկայում 1280 թ. կազմակերպված «եղբայրությունը» («Տեղեկագիր», 1951, № 12, էջ 73—84):

³ Պետ. Մատենադարան, ձեռ. № 2173, էջ 66բ:

⁴ Մխիթար Գոշ, Առակներ, կազմեց Էմ. Պիվադյան, Երևան, 1951, էջ 122:

վող մի պաշտոնա, որի պարտականությունն էր ուստարաշու (համքարութիւն ընտրութիւնի ավագի) կարգադրութիւնները համքարութիւն անդամներին հաղորդելը: Վերը հիշատակված մեր հոգւածում բաւարար փաստերով ցույց ենք տվել, որ այդ պաշտոնը ժառանգված է միջնադարյան հայկական համքարութիւններից: Մանկուսվազ կամ մանգասար կոչվող պաշտոնյաները («իդիթ-բաշի» թուրքերին նշանակում է հենց «մանկասկազ») միջնադարյան քաղաքներում կատարում էին կարևոր դեր, լինելով ևրիտասարդ քաղաքացիներից կազմված ջոկատի հրամանատար:

Վերջին դարերից մեզ հասած համքարական կազմակերպութիւնների ստատուտներում համքարութիւն անդամների փոխհարաբերութիւնների և միմյանց նկատմամբ ունեցած պարտավորութիւնների մասին կան բազմաթիւ հոգւածներ: Իրանք, իրենց մեծագույն մասով, առնչվում են Երզնկայի 1280 թ. կանոնադրութիւն համապատասխան հոգւածներին:

Ի միջի ալլոց նշենք նաև հետևյալը: Մինչ այժմ հայկական համքարութիւնների մասին պահպանված հնագույն ուղղակի վկայութիւնը համարվում էր Էջմիածնի Մալր տաճարի վրա 1682 թ. Թիֆլիսի հալ համքարութիւններին փորագրել սկսած նվիրարկական արձանագրութիւնը¹: Ձևոքի տակ այժմ ունենք շուրջ մեկուկես դար ավելի վաղ գրված մի փաստաթուղթ, որի մեջ պարզ ու որոշակի սկզբնապէս կա Բերկրի քաղաքում 1741 թ. ոչ շատ ուշ գոյութիւն ունեցած սովորների համքարութիւն մասին: Ճիշտակ է սուրբ աւետարանս սովոր անաֆին, ձեռամբ ութթալ Սկիտանին՝ գրված է անտեղ²: Պետք չէ կասկածել, որ հայերեն ձեռագրերի մանրակրկիտ ուսումնասիրութիւնը հնարավոր կլինի առաջիկայում լրացնել հայկական համքարութիւնների մասին մեր գիտելիքները: Այժմ իսկ ձեռքի տակ ունենք նյութեր, որոնք այս կամ այն չափով նպաստում են միջնադարյան արհեստագործութիւն հետ կապված մի շարք հարցերի պարզաբանման գործին:

Այսպես օրինակ, Գրիգոր Տաթևացին իր Քարոզգրքի ամսան հատորում ունի այսպիսի մի պարբերութիւն. «Ջորութիւն և պիտոպոսին ի վերալ քահանայիցն և տարկաւագացն է, որպէս ղորութիւն թագաւորին ի վերալ արուեստաւորաց քաղաքին, զի ոմն կացուցանէ վերակացու, շահնայ, ձեռնաւոր և զիւրաքանչիւր արուեստ կարգաւորէ՝ ղդարբին, ղոսկրիչ և զայլանք»³:

Նրան լրացնում է Մատթեոս Ջուղայեցին. «Մարմնաւոր կարգաւորութիւնք են եւ. (5),—գրում է նա,—նախ՝ այլ և կին, ևրկու՝ տանուէրն և ընտանիքն, ևրեք՝ վերակացուք քաղաքին և արուեստաւորք»⁴:

Քաղաքի վերակացուները հսկողութիւն էին սահմանում արհեստավորների վրա, պահանջում, որ արտադրված ապրանքը համապատասխանի տրադիցիոն ձևին ու որակին (լինի ճշտալի և կանոնի), նյութը խարդախված չլինի և այլն: Ըստ ևրեուլթին նրանք էին հաւաքում արհեստավորներից պետութիւնը հասանելիք հարկերն ու տուրքերը: «Արուեստաւոր՝ չկա-

¹ «Վիմական տարեգիրք», կազմեց Կ. Կոստանյան, Պետերբուրգ, 1913, էջ 195:

² Պետ. Մատենադարան, ձեռ. № 5097, էջ 360ա (ընդօրինակված է 1473 թվականին):

³ Գրքը քարոզութեան, որ կոչի ամսան հատոր, արարեալ... Գրիգորի Տաթևացոյն, Կ. Պոլիս, 1741, էջ 179:

⁴ «Քննութիւն գործոց առաքելոց», Պետ. Մատենադարան, ձեռ. № 1402, էջ 146:

րելով գործել զարուեստն՝ զրկեալ զտանի յաջնմ կոչմանէն»—գրեւ է XIV դարի սկզբի հեղինակ Բարսեղ Մաշկեորը¹։ Արհեստով զրազվելու իրավունքից զրուկելու հրամանը, հալանարար, նույնպէս ապիս էին ալլ թվարկացունելը»։

Ամեն մի արհեստավոր շահագրգռված էր իր արհեստը սովորեցնելու նախ և առաջ իր որդիներին։ Համաքաղին արհեստագործութեան համար բնորոշ այս երևույթի արտացոլքը գտնում ենք միջնադարյան մի առակի մեջ, որի գալլ-հերոսը իրեն ներկայացնում է այսպիսի խոսքերով. «Մենք լազգէ լազգ մասգործ՝ մասգործի որդիք ենք»²։

Սակալն, սովորաբար, ամեն մի վարպետ ունենում էր աշակերտներ, պարտավորվելով որոշյալ ժամանակամիջոցում մասնագիտացնել նրանց ալն աստիճանի, որ նրանք կարողանային ինքնուրույն գործ սկսել։

Ծնողները, իրենց որդիներին արհեստի տալով, վարպետի հետ կնքում էին հատուկ պայմանագիր, սահմանում ուսման ժամկետ և ալլն։ Ալլ մասին ուշագրավ տեղեկութուն է գրանցել վերը հիշատակված Բարսեղ Մաշկեորը. «Արդ,—գրում է նա,—եթէ զորդի քո լարուեստ տալիր և նա միշտ ի տան մնայր և կամ թէ ալլուր խողալր, ոչ հրաժարէր ի նմանէ ուսուցիչն և աւէր՝ ժամանակ սահմանեցր ուսանելոյ մանկանդ և լալնքան ժամանակս ոչ կարէ դա ուսանել, դի չկալ (իմա չգալ) մօտ առ իս և ուսանի, և դալս ինձ հարկ էր, աւէ, ասել քեզ»³։ Մեջ բերված վկայութեան իմաստը պարզ է. վարպետը պատասխանատվութեանից խուսափելու համար, բնականաբար դիմելու է իր ծուլ աշակերտի ծնողներին՝ հրաժարվելով նրանից, կամ տեղեկացնելով, որ սահմանված ժամանակում աշակերտի մեղքով, չպետք է կարողանա նրան արհեստավոր դարձնել։

1387 թ. հասել է մեզ «աշակերտի» ծնողների և վարպետի միջև կնքված գավկշտական մի համաձայնագիր, բայց որի Մարգարե անունով մի երիտասարդի ծնողները իրենց որդուն որպէս ճոզող որդի» հանձնում են Մովսէս քահանային, որպէսզի սա նրան ի վերջո քահանա դարձնի։ Արմե ծանոթանալ ալլ համաձայնագրին.

«Յանուն աստուծոյ, ևս Ովանէս կողալիցն իմ Թանկսուղ տվինք մեր աւժարութեամբ զմեր որդիս Մարգարէ՝ հոգոյ որդի Մովսէս քահանայիս մինչև ի մահն, որ երէց առնէ...»

Ի թվ. ՊԼԶ (1387)»⁴։

Աշակերտները, դառնալով իրենց վարպետների հոգեւոր որդիներ, նրանց մեծարում էին ճշարտ սլաւփանունով (սէւ որք արուեստս ուսուցանեն մանկանց՝ նոցա հալք կոչեն»—գրում է ալլ մասին Մատթեոս Զուղալեցին)⁵ և հաճախ, ուսումնառութեան ողջ ժամանակաշրջանում, բնակութեւն էին հաստատում վարպետների տանը։ Այսպէս էր վարվել, օրինակ, թամբազործ ու քանակար Ավագը, որը շլեւալ երբեմն ի Սալամաստ քաղաք ի տիս տղայու-

¹ Մեկնութիւն սրբոյ աւետարանին, որ ըստ Մարկոսի, արարեալ երանելոյն Բարսեղի Շնորհայի վարդապետի, Կ. Պոլիս, 1826, էջ 189. Պետ. Մատենադարան, ձեռ. № 1314, էջ 121ա։

² Н. Я. Марр. Сборники притч Вардана. II, стр. 132.

³ «Մեկնութիւն սրբոյ աւետարանի, որ ըստ Մարկոսի» տպ. էջ 23, ձեռ. էջ 13բ։

⁴ Պետ. Մատենադարան, ձեռ. № 6288, էջ 111բ։

⁵ Պետ. Մատենադարան, ձեռ. № 3834, էջ 296ա։

թեան ընդ արուեստապետին իւրոյ՝ ումեմն Պարսկի և մահմեդականի, ի տղա-լութեան ժամանակի ընդ նմին կեցեալ վասն օգտութեան արուեստին¹:

Ծանր է եղել աշակերտների վիճակը: Նրանց ժամանակի մեծագոյն մասն անց է կացել ուսուցչի տանն ու արհեստանոցում հոգնեցուցիչ ու սեւ-գործ աշխատանքի մեջ: Այս կապակցութեամբ պերճախոս տվյալ է հաղորդում Սարգիս Շնորհալին (XII դար). չար մարդիկ,—ասում է նա,— երբ տեսնում են վարդապետի, որը զոմի ոք աշակերտ ունիցի, որ վկարեոր պէտս նորա վճարիցէ, զի մի անձամբ ջրարկու լինիցի և փայտակոտոր և հրավառ... բամբասեն, երգիծանեն, մեծատուն է, ասենք: Պարզ է ասված. աշակերտ էին պահում, նրան օգտագործելու համար որպէս ջուր բերող, փայտ կոտորող, թոնիր վառող և այլ սև աշխատանքներ կատարող:

Ծեծը խրատելու և ուսուցանելու համընդհանուր ու տարածված միջոց է եղել: XIII դարում ընդօրինակված մի կանոնագրքի մեջ հանդիպել ենք հատուկ հոգվածի, որով 7 տարվա ապաշխարություն է սահմանված այն վարդապետի համար, որը զազանարար ձեծելով կապանի իր աշակերտին²:

Աշակերտի անվճար ու չսահմանափակված աշխատանքը հնարավորին չափ երկար շահագործելու դիտավորութեամբ վարպետները շարունակ ձգտել են երկարաձգել ուսուսնառութեան ժամանակաշրջանը: Այնքան դանդաղ են մատուցել նրանք իրենց արհեստի զաղտնիքները աշակերտներին, որ ժամանակակիցները, երբ ցանկացել են ճանաչված ու հասկանալի օրինակ բերել սասկաւ սակաւա մի բան անելու, հիշել են իսկույն աշակերտի ուսուսնառությունը վարպետի մոտ³:

Աշակերտն ստիպված է եղել լուռ ու մունջ, երկար տարիների ընթացքում, հնազանդվել իր վարպետին, կատարել նրա բոլոր պահանջներն ու հրամանները, որովհետև այլ ճանապարհ չի եղել արհեստը տիրապետելու և ինքնուրույն գործ սկսելու:

«Զի որպէս տղայն,—ասում է այդ մասին Բարսեղ Մաշիեորը,— ոչ ընդդիմանալ ուսուցչին և ոչ հարցաքննէ իրաւունս հակառակելով, այլ խոնարհութեամբ հնազանդի և երկեղիւ չափաւորեալ զինքն՝ լալնժամ կարէ մտանել լարուեստն»⁴:

Միջնադարյան հայկական արհեստագործութեան մեջ եղել են նաև ենթավարպետներ: Այդ մասին որոշակի տվյալ է հաղորդում Հովհան Որոտնեցին Տաթևի վանքի տաճարի և զանգակատան շինութեան առթիվ արտասանած ճառի մեջ (Եւ յօրհնութիւն նորակերտ շինուածոյ տաճարին և զանգակատանն... վանիցն Ստաթէիք): Նա գովասանքի ու շնորհակալութեան խոսք է ուղղում շինարարական աշխատանքներին մասնակցած բոլոր անձանց. հատկապես զրվատանքի է արժանանում ճարտարապետը (սմանաւանդ զիմաստուն ճարտարապետ և զհանճարամիտ վարպետնք): սա աշխարհական մարդ

¹ Հայոց նոր վկաները, գիտ. հրատ. էջ 157.

² Սարգիս Շնորհալի, Մեկնութիւն եօթանց թղթոց կաթողիկեայց, Կ. Պոլիս, 1820, էջ 631:

³ Պետ. Մատենադարան, ձեռ. № 715, էջ 9ա:

⁴ Այսպես օրինակ, Հովհան Որոտնեցին իր աշխատություններից մեկում խորհուրդ է տալիս եկեղեցու քարոզիչներին «սակաւ սակաւ խրատու» խելքի բերել անհավատներին, ճիշտ այնպես ինչպես արհեստավորն է ուսուցանում իր աշակերտին. «զորօրինակ արուեստաւոր զաշակերտս իւր» (Պետ. Մատենադարան, ձեռ. № 5871, էջ 19բ):

⁵ «Մեկնութիւն սրբոյ աւետարանին, որ ըստ Մարկոսի», էջ 67:

է, ունի որդիներ, աշխատել է ոչ միայնակ, այլ «աշխատակցօք և աշակերտակալ մանկամրժ»¹։

«Աշակերտակալ մանուկ» տերմինը մեկնություն կարոտ չէ, իսկ «աշխատակից» տերմինը, անշուշտ, նշանակել է ենթավարպետ (հմմտ. պրսկ. քար-զան, ուս. բաճօտիւկ են)։ Էնթավարպետները մեր ձեռագրական աղբյուրներում հիշվում են նաև «փոքր (կամ՝ փոքրագույն) արուեստաւոր» և «օգնական» կոչումներով։

Արտագործության պրոցեսում նրանց կատարած դերի մասին կան մի-ևրկու անուղղակի վկայություններ։

Բարխոդիմևոս Իսլոնիացին (XIII դարի 30-ական թթ.) գրում է. «Յորժամ շինեալ լինին ապրանք և լինին անդ փոքրագոյն արուեստաւորք և մեծամեծք, և դի թէպէտ ևրկուքն առնեն զգործն, այլ որ մեծ ճարտարապետն է՝ նալ ածէ ի կատարումն շինուածն»²։

Գրիգոր Տաթևացին լրացնում է իր նախորդին. «Փոքր արուեստաւորն—գրում է նա,—պատրաստէ զնիւթն և զլիւաւորն տա զտեսակ գործոյն», իսկ Առաքել Ալունեցին ավելացնում է՝ «Արուեստն ոչինչ կարեն առնել առանց օգնականի»³։

Այս մեջբերումները թույլ են տալիս եզրակացնելու, որ ենթավարպետները ծանոթ են եղել արհեստի տվյալ մասնաճյուղի արտագործության պրոցեսին, մասնակցել են նրան, բայց մասնագիտական խոր պատրաստություն պահանջող ու հիմնական աշխատանքը, աշխատանքնիւյ, կատարել է վարպետը («զլիւաւորը», «մեծ ճարտարապետը»)։ Նա էր, որ «ածէր ի կատարումն շինուածն»։

Վարպետները շահագործում էին ենթավարպետների ու աշակերտների աշխատանքը. նրանց միջև տնտեսական հողի վրա շարունակ տեղի էին ունենում վեճեր, թշնամանք ու պայքար։ Այս մասին հետաքրքրական վկայություն է պահպանվել Նալոր Կլայեցու մեզ արդեն ծանոթ «Մեկնությունն նուրբ գրեանց» աշխատության մեջ. խարազանելու համար կղերականների նախանձն ու հակառակությունը միմյանց նկատմամբ, Կլայեցին կատարում է օգտակար մի համեմատություն. «Թէ գոր ինչ յարտաքին արուեստաւորսն տեսանմք,—գրում է նա,—որ նախանձին ընդ իրեարս և հակառակին, մանաւանդ փորձքն՝ ախինքն ընդիր արուեստաւորքն՝ ի վայր հարուն զախմարսն և նոքա նախանձնն ընդիրսն»⁴։

Այսպիսով, միջնադարյան հայկական քաղաքների արհեստավորները աշխատում էին՝ ձեռքի տակ ունենալով ենթավարպետներ ու աշակերտներ։ Նրանք, բոլորն էլ, տարբեր չափերով մասնակցում էին արտագործության պրոցեսին, սակայն ոչ ենթավարպետը, ոչ էլ աշակերտը վարպետի վարձկան բանվորները չէին. նրանք, որոշ ժամանակ անց, իրենք դառնալու էին վարպետներ։

Արհեստավորները, առիթից-առիթ, որևէ բևտ տեղափոխելու կամ արտագործության հետ անմիջապես չառնչվող որեւէ սե աշխատանք կատարել տալու

¹ Պետ. Մատենադարան, ձեռ. № 1843, էջ 185ա։

² «Գարդղիրք», Պետ. Մատենադարան, ձեռ. № 2181, էջ 201ա։

³ «Մեկն. Մատթէոսի աւետարանին», Պետ. Մատենադարան, ձեռ. № 1193, էջ 250բ։

⁴ «Գարդ տարեմտին», Պետ. Մատենադարան, ձեռ. № 969, էջ 12բ։

⁵ Պետ. Մատենադարան, ձեռ. № 598, էջ 173բ։

համար՝ վարձում էին մշակներ կամ վարձկաններ: Դրանց մասին մանրամասն խոսք կլինի առանձին, նշենք այստեղ, որ սկզբնաղբյուրներում չկա գեթ մի հատիկ վկայություն կամ տկնարկ այն մասին, որ վարձկանները մասնակցել են արտադրության պրոցեսին:

Այսպիսով, ամենայն իրավամբ, կարող ենք եզրակացնել, որ X—XIV դարերի Հայաստանի արհեստագործության մեջ վարձու աշխատանք չէր կիրառվում, հետևաբար արտադրության մեջ գեոկոս չէին նկատվում նույնիսկ թույլ սաղմեր կապիտալիստական կամ վաղ-կապիտալիստական արտադրական հարաբերություններին:

Մեր այս եզրակացությունն առավել կամրապնդվի, երբ մենք, ընդհանուր դժերով ծանոթանանք արհեստավորի և պատվիրատուի կամ գնորդի փոխհարաբերություններին:

Քննության ենթակա ժամանակաշրջանում Հայաստանի քաղաքների արհեստավորները, եթե միայն նրանց արտադրանքը դուրս չէր հանվում երկրից, կապվում էին գնորդի կամ պատվիրատուի հետ առանց միջնորդի, անձամբ: Արտադրվելիք ապրանքի նյութը շատ դեպքերում տալիս էր ինքը՝ պատվիրատուն:

Այս մասին վկայություն կա Մխիթար Գոշի «Դատաստանադրքի» երկրորդ մասի 124-րդ «Յադագս զատաստանից բնաւից արուեստականաց իարդախողաց» խորագիրը կրող հոդվածում: Այնտեղ գրված է. «Արուեստաւորք ամենայն, ըստ որում և իցեն արուեստի, եթէ հատուածով գործիցեն և եթէ վարձով, լորժամ ոչ բստ հաճոյից տեառն գործիցեն, ալլ և զնիւթն ապականիցեն, զատաստան է ըստ հաճոյից նոցա առնել զարձեալ, կամ զապականեալն ի գնոյն ըստ արժանւոյն լնուլ և ապա լիով հասանել վարձու...»:

Այս հոդվածն հետաքրքրական է մի քանի կողմերով. առաջիմ ուշադրություն դարձնենք հոդվածի այն տվյալի վրա, ըստ որի արհեստավորն աշխատել է պատվիրատուի նյութով և պարտավորված է եղել, այն փչացնելու կամ պատվերի համաձայն չմշակելու դեպքում, վճարել նյութի արժեքը, ապա միայն ստանալ իր աշխատանքի վարձը լիովին:

Այս եզրակացությունն ամրապնդվում է մատենադրական բաղմաթիվ ալլ վկայություններով:

Այսպես օրինակ, Ներսես Շնորհալին իր «Յիսուս որդի» պոեմում գրում է.

«...Որք լաշխարհի գործ արուեստին

Ի լերկաթով կամ արծաթին՝

Իւ կամ լալլ ինչ նիւթեղենին

Չաւարբս նիւթոցն նենդեցին՝

Հատուցանեն անդրէն նոցին

Ի քո արդար զատաստանին»¹:

¹ Մխիթարյայ Գոշի, Դատաստանադրք հայոց, հրտ. Վ. Բասումյանի, Վաղարշապատ, 1880, էջ 430:

² Այս տողը ձևազերեբում հանդիպում է «Աս ի յոսկոյ կամ յարծաթին» տարբերակով (տե՛ս օրինակ, Պետ. Մատենադարան, ձեռ. № 2236, էջ 419ա):

³ Գիրք որ կոչի Յիսուս որդի, Ս. Պետերբուրգ, 1788, էջ 173—174:

Դրիգոր Տաթևացին իր քարոզներից մեկում գող ու գրկող է կոչում այն արհեստավորին, որն «ի յարուեստն փաստէ և խառնէ և կամ զայն նիւթն, զոր էառ պակասեցուցանէ»¹:

Այդ մասին խոսում է նաև Մատթեոս Զուղայեցին. «Գողք կոչին արուեստաւորք, — գրում է նա, — որք առնուն յայլոց նիւթ, և խորեն ի գործեն, և ի պահանջեն ուրանան»²:

Տաթևացու աշակերտ Հովհան Կոլոտիկը, հեղինակ «Մեկնութիւն Եսայ-կայ» աշխատութեան, ուղղակի հայտնում է, որ արհեստավորները որևէ բան արտադրելու համար «նիւթ խնդրեն»³:

Այս կարգի վկայութիւնների թիւը կարելի է բաղմապատկել, սակայն բերվածն էլ բավական է համոզվելու համար այն բանում, որ հայ արհեստավորը մեզ հետաքրքրող ժամանակաշրջանում հիմնականում աշխատում էր պատվիրատուի նյութի վրա, ըստ նրա պահանջի արտադրելով հարկ եղած ապրանքը.

Պատվիրատուի և արհեստավորի միջև այս կարգի հարաբերութիւնը բնորոշ է ապրանքային արտադրութեան խիստ ցածր մակարդակին, երբ Կ. Մարքսի արտահայտութեամբ «Предложение подчинено спросу и поэтому производство расширяется лишь медленно»⁴.

Չի կարելի տարակուսել այն բանում, որ արհեստավորը, պատվիրատուից նյութ ստանալուց բացի ինքը ևս նյութ էր ձեռք բերում և պատրաստում իր արվեստին համապատասխան ապրանք՝ վաճառելու համար⁵: Այս դեպքում ևս, եթե միայն արտադրված ապրանքը չէր արտահանվում երկրից դուրս, արհեստավորը կապվում էր գնորդի հետ անմիջականորեն, առանց միջնորդի:

Հակոբ Կլայեցին մեր կողմից մի քանի անգամ արդեն հիշատակված իր աշխատութեան մեջ խոսում է ինչ-որ կրպակավորների մասին: Վանական արհեստավորներին նա խորհուրդ է տալիս իրենց արտադրանքը վաճառելու համար քաղաք տանելիս՝ ընկերանալ և միասին գնալ («ամենայն ոք զիւրն ժողովէ ի միասին զվաճառսն և ապա ճանապարհակցին»), որովհետև «բազումքն ի միասին... պնդութիւն ևն միմեանց... յաւաղակացն... ի ճանապարհին», մեծ վտանգ ևն ներկայացնում նաև կրպակավորները. «կրպակաւորքն ջանան խարել զվաճառն և զբազումսն ինքեանց առնել, ընդ բազումսն անփնաս անցանէ խարէութիւնն նոցա և ոչ կարէ փնասել, կամ բազումք անփնաս անցանեն քան մին, զի երկնչին ի բաղմացն, գուցե վկա լիցին միմեանց առաջի դատաւորաց»⁶:

Այս մեջբերումներից կարելի է հետևել, որ կրպակավորները քաղաքի շուկաներում կրպակ ունեցող առևտրականներ էին, որոնք հնարավորութեան դեպքում չէին խորշում խարել իրենց արտադրանքը վաճառելու համար քա-

¹ Դրիգ. քարոզութեան, որ կոչի ամառան հատոր, էջ 25—26:

² Պետ. Մատենադարան, ձեռ. № 2229, էջ 133ա:

³ Պետ. Մատենադարան, ձեռ. № 1128, էջ 186ա:

⁴ К. Маркс, Формы предшествующие капиталистическому производству, 1940, стр. 50.

⁵ Հմմ. Մխիթարյան Գոշի, Դատաստանադիրը հայոց, էջ 137, ճիշտ հոդվածի շարունակություն:

⁶ «Մեկնութիւն նուրբ գրեանց», Պետ. Մատենադարան, ձեռ. № 598, էջ 176ա:

դաք ընդունելին, նույնիսկ երբ նրանք վանական-արհեստավորներ լինեին: Հասկանալի է, որ էժան գնով ձեռք բերած ապրանքը նրանք թանկ գնով վաճառելու էին իրենց կրպակներում. Հակոբ Կլալեցին այդպես էլ ասում է՝ «ջանան խարել զվաճառն և զբազումն ինքեանց առնել»:

Արհեստավորներն իրենց աշխատանքի վարձը հիմնականում ստանում էին դրամով:

Մատթեոս Ջուղալեցին իր «Հաւաքումն բանից, որ հայի առ Զ. աւուր զործս աստուծոյ» աշխատության մեջ փորձում է սպասուիչ պատասխան տալ այն հարցին, թե՛ ինչի՞ համար են ստեղծված ոսկին ու արծաթը: Նրա կարծիքով պատճառներից մեկն էլ այն է, որ առանց ոսկու և արծաթի արհեստավորներն ու առևտրականները չէին կարող գնել ու վաճառել. նա գրում է. «զործաւորք և վաճառականք իւր վաճառէին և գնէին. վասն որոյ զայսպիսի նիւթս արար (աստուած), զի զմիմեանց կարիս լցցեն և աջողակցի շինութիւն աշխարհիս»:

Մխիթար Գոշի «Բատաստանագրքից» վերը մեջ բերած 114-րդ հոդվածում, ինչպես տեսանք, կար այսպիսի արտահայտություն. «Արուեստաւորք ամենայն... և թէ հատուածով զործիցեն և և թէ վարձով...»: Ուշագրավ այս հատվածից դժվար չէ եզրակացնել, որ դրամական վարձատրությունից բացի, արհեստավորներն աշխատել են նաև «հատվածով» այսինքն՝ աշխատավարձի դիմաց ստացել պատվիրատուի նյութի մի մասը—«հատվածը», այն մշակելու և վաճառելու համար:

Ըստ երևույթին կիրառվել է նաև ապրանքափոխանակություն. որևէ արհեստավոր իր պատրաստի արտադրանքը՝ փոխանակել է մի այլ արհեստավորի արտադրանքի հետ: Հայկական ՍՍՌ Պետ. Մատենադարանի ձեռագրերից մեկում մի արհեստավոր (հավանաբար կտավագործ) գրանցել է մանր հաշիվներ. դրանցից մեկը կարդացվում է այսպես. «կտաւ մի փալնի շինելէ տվաք», այսինքն՝ մի համետ (փալան) կամ, թերևս, բանալի շինողին որպես աշխատավարձ տվել է մի կտավ:

Այսպիսով, պարզվում է, որ արհեստավորներն իրենց աշխատավարձն ստանում էին հիմնականում դրամով, սակայն դեռևս տարածված էր նյութի ավելցուկը որպես աշխատավարձ արհեստավորին թողնելու, ինչպես նաև տարբեր արհեստավորների արտադրանքը միմյանց հետ փոխանակելու պրակտիկան, մի բան, որը նույնպես ցուցանիշ է ապրանքային արտադրության զարգացման ցածր մակարդակի:

Միջնադարյան հայկական քաղաքների արհեստագործության զարգացման աստիճանի, կազմակերպչական սկզբունքների և հարակից հարցերի մասին վերը մեջ բերված նյութերը, ինչքան էլ նրանք միակողմանի լինեն ու ակնարկային, այնուամենայնիվ բավարար են X—XIV դարերի Հայաստանի սոցիալ-տնտեսական զարգացման աստիճանը հիմնական կոնտուրներով պատկերելու համար: Այդ փաստերը միաբերան վկայում են այն մասին, որ հայկական քաղաքներում արհեստները կազմակերպված են եղել միջնադարին հատուկ համաքաղաքին սկզբունքներով: Զարգացած ֆեոդալիզմի ժամանակա-

¹ Պետ. Մատենադարան, ձեռ. № 774, էջ 332ր:

² Պետ. Մատենադարան, ձեռ. № 5910, էջ 117ր (կտավագործի գրանցումները ըստ հնագրական տվյալների, գրված պետք է լինեն հավանաբար XVI դարում):

շրջանում գյուղական նստուրալ տնտեսությունը համապատասխանում էր քաղաքում համաքաղաքին կադմակերպությունը: Եվ մեկը և մյուսը արտադրության ֆեոդալական և դանակի տարրեր կողմերն էին. միևնույն օրենքն էր գործում և գյուղացու նստուրալ տնտեսության, և համաքաղաքին արհեստագործության մեջ՝ պարզ վերարտադրության օրենքը: Վ. Ի. Լենինը գրել է. «Законом до-капиталистических способов производства является повторение про-цесса производства в прежних размерах, на прежнем основании: та-ково барщинное хозяйство помещиков, натуральное хозяйство крестьян, ремесленное производство промышленников»¹.

Մանուֆակտուրային արտադրության ամենապարզ ձևերի առկայությունը հավաստող որևէ տվյալի բացակայությունը² լիակատար իրավունք է տալիս հաս-տատապես պնդելու, որ X—XIV դարերում քաղաքային արհեստագործու-թյան մեջ կապիտալիստական կամ վաղ-կապիտալիստական արտադրության նույնիսկ թույլ սաղմեր դեռևս չէին առաջացել Հայաստանում:

Մարքսը համաքաղաքին արհեստագործության և մանուֆակտուրայի միջև գոյություն ունեցող անշրպենի մասին գրել է.

«Համաքաղաքին օրենքները, ինչպես արդեն հիշատակվեց, խիստ կերպով սահմանափակելով այն ենթավարպետների թիվը, որոնց աշխատանք տալու

¹ В. И. Ленин, Сочинения, т. 3, стр. 44.

² Փիլիսոփայական գիտությունների դոկտոր Վ. Չալոյանը «Հայկական վերածնու-թյան մասին» իր հոդվածում (տե՛ս «Տեղեկագիր», 1955, № 12, էջ 85—114) մեր կողմից 1944 թ. (ասպիրանտական շրջանում) գրված և 1947 թ. տպագրված «Աղանդավորական գաղափարախոսությունը Հայաստանում 12—14-րդ դարերում» (ն. Մառի անվան կաբինե-տի «Աշխատություններ» № 2, էջ 181—209) հոդվածից բաղել է ձեռագրական մի տվյալ, որ ասված է, որ «վարձու աշխատողները սովորել են վերակացուն երևալիս ջանասիրու-թյուն ցուցաբերել աշխատանքում» (Թարգմանել է ինքը՝ Վ. Չալոյանը): Չպարզելով թե ո՞վ է այդ տվյալի հեղինակը և խորամուխ չլինելով նրա բովանդակությանը, ընկ. Չալո-յանը եզրակացրել է, թե «Այստեղից հետևում է, որ միևնույն արտադրական ձեռնարկու-թյունում աշխատել են այնպիսի բանակույթյամբ վարձու աշխատողներ, որ անհրաժեշտ է եղել նրանց նկատմամբ հսկողություն սահմանել ի դեմս հատուկ պաշտոնատար անձի՝ վերակացուի, որն անշուշտ, մեկը չի եղել» («Տեղեկագիր», 1955, № 12, էջ 99):

Պարզվեց, որ այս տվյալի հեղինակը Գրիգոր Տաթևացին է (տե՛ս «Գիրք բարոգու-թեան, որ կոչի ձմռան հատոր», էջ 459), որը իր աշխատություններում բազմիցս խոսել է երկրագործության մեջ աշխատող վարձկանների մասին: Այս տվյալը ընավ բացառու-թյուն չի կադմում և դարձյալ վերաբերում է երկրագործական աշխատանքների համար վարձված մշակներին, որովհետև եթե իրոք Հայաստանում եղած լինեին մանուֆակտու-րային տիպի արտադրական ձեռնարկություններ, որոնցում, մի հարկի տակ, այն էլ (ինչ-պես կարծում է ընկ. Չալոյանը) մի քանի վերակացուների հսկողությամբ աշխատեին վարձկաններ, ապա այդ վերակացուները միշտ էլ «կերևային» վարձկաններին ու շարունակ կհսկեին նրանց աշխատանքը, ուստի և Տաթևացին չէր գրի ընկ. Չալոյանին դաթակղած «Սովոր են վարձկանք փոյթ առնել գործոյն մերձ գալով վերակացուին» նախադասու-թյունը:

Հայաստանում մանուֆակտուրային տիպի արտադրական ձեռնարկությունների գո-յության մասին ընկ. Չալոյանի ձեռքի տակ եղած միակ «փաստը» այս է. և մնում է զարմանալ, որ նա իր իսկ խոսքերով՝ «ձեռքի տակ չունենալով բավականաչափ ծանրակշիռ փաստեր», այնուամենայնիվ հնարավոր է համարել անել այսպիսի հայտարարություն. «... պնդում ենք(!), որ այն ժամանակվա Հայաստանի էկոնոմիկայում անպայման(!), գո-յություն ունենեցել պարզ էռոպերացիան ու մանուֆակտուրան. գերազանցապես(!!!) վարձու աշխատանքի հիման վրա» («Տեղեկագիր», 1955, № 12, էջ 99: Ընդգծումները մերն են—Լ. Խ.):

իրավունք ունի մեկ վարպետը, դրանով էլ հենց պլանաչափորեն արգելք էին լինում համքարային վարպետների կապիտալիստ դառնալուն... Համքարությունն իրեն նուանդագին պաշտպանում էր վաճառականական կապիտալի,— համքարությունների դեմ կանգնած կապիտալի ալդ միակ ձևի,—ամեն մի ոտրն-ձղությունից: Վաճառականը կարող էր ամեն տեսակ ապրանք գնել, բայց ոչ աշխատանքը որպես ապրանք: Նրանք հանդուրժում էին լոկ իրրև արհեստի ար-դյունքի հավաքագնորդի: Եթե արտաքին հանգամանքները առաջ էին բերում աշխատանքի արագ ընթացող բաժանում, ապա զոլություն ունեցող համքարությունները արոհվում էին ենթատեսակների, կամ նոր համքարությունների էին հիմնվում հսկրի կողքին, սակայն առանց տարրեր արհեստները միավորելու միևնույն արհեստանոցում: Այսպիսով, թիև համքարային կազմակերպությունը առաջ էր բերում արհեստների առանձնացում, մեկուսացում ու զարգացում և դրանով մանուֆակտուրային ժամանակաշրջանի նյութական նախադրյալ էր ծառայում, ախուամենայնիվ, ինքը՝ համքարային կազմակերպությունը, բացառում էր աշխատանքի մանուֆակտուրային բաժանման հնարավորությունը: Ընդհանուր առմամբ և ամբողջությամբ բանվորն այնքան էր սերտանում իր արտադրամիջոցի հետ, որքան խիունջը խեցեպատյանի հետ, և հետևապես, պակասում էր մանուֆակտուրայի առաջին հիմքը՝ արտադրության միջոցների առանձնացումը, որպես բանվորի դեմ կանգնած կապիտալը: Համքարային արհեստագործության սոցիալ-տնտեսական բազայի ու պատմական գերի, նրա և մանուֆակտուրային արդյունաբերության միջև եղած սկզբունքային տարրերության հանճարեղ այս վերլուծությունը, որ կատարել է Մարքսը արևմտակերպական երկրների պատմական զարգացման ընթացքի խորաթափանց ուսումնասիրությամբ, ինչպես ալդ մասին վկայում են սույն հոդվածում մեջ բերված արհեստագործության վիճակի տարրեր կողմերը լուսաբանող մատենագրական բազմաթիվ տվյալները, լիովին վերաբերում է նաև արևելյան երկրների, այլալ դեպքում Հայաստանի պատմությանը:

¹ Կ. Մարքս, Կապիտալ, առաջին հատոր, Երևան, 1954, էջ 378: